

## Cronica d'ès nosautres

### Internet

Tot lo monde a pas a sa maison los outils per anar sus internet e profiter de çò que nos montran sus la granda tela. Qu'es ben damatge mas quò ven a chaa pauc.

Si per exemple, dins la setmana, vòstre jornal dau jòus vos manca poiètz anar veire sus *reveil-vivaraïs.fr* trovarètz d'informacions e mesme de raportages video. Franc intereissant. Mas trovarètz pas ren en linga nòstra, pas mesme Lo Revessin, pas encara...

Per trovar la linga dau país e de nòstre petit caire i a un ben genti site que vos recomando : *bartavel.com*. Mas l'òm pòt anar veire un pauc de pertot, la linga d'òc es ben representaa sus la tela, lo site de l'I.E.O. institut d'estudis occitans, *ieo-oc.org* merita un bon còp d'elh. An meme fai *emplec.com*, lo site dediat a l'emplec en occitan, coma trovar un trabalh en parlant sa linga ! e pas solament. I a jamai pro de monde per aidar aqueles que cherchan de trabalh. Los abituats de l'internet pòian mai trovar d'informacions sus Wikipedia en òc (acuelh). I a un grop *totenòc.org* que s'organisa per adaptar en òc los outils informatics e an dejà ben avançat. Finalament i a encuèi de grandas possibilitats per legir e devenir savent dins nòstra linga sus internet.

Per tornar mai pròche d'ès nosautres una altra adresa *marraire.com* nòstres veisins de la Nauta-Leira, parlan mesme dau Vivarés.

Mas vòudrio vos parlar un pauc melh de *bartavel.com* per çò que nos adut veraiment d'informacions sus nòstre caire, son los plus pròches de nosautres e se presentan coma un site dediat a l'occitan de la region d'ès Anonai. Trovarètz totas las explicacions per escrire e legir la linga (Dicòc) e meme un lexic que parla : veietàz lo mot e lo poiètz escotar (Auvir). E trovarètz mesme un mot coma *revessin* dins quau lexic ! De texts mai, de còps legits per los autors, aquò fai plasir d'auvir la linga de per aquí.

Lo Revessin

Tout le monde n'a pas chez lui la possibilité de profiter d'internet. C'est dommage, mais cela évolue peu à peu. Si dans la semaine, votre journal du jeudi vous manque vous pouvez jeter un œil sur *reveil-vivaraïs.fr* vous y trouverez des informations et même des reportages vidéo. Très intéressant, mais vous n'y trouverez rien dans notre langue, pas même Lo Revessin, pas encore...

Pour trouver la langue d'ici, de notre petit coin, il y a un très beau site que je vous recommande : *bartavel.com*. Mais on peut aller voir un peu de partout, la langue d'oc est bien représentée sur la toile, le site de l'I.E.O. institut d'études occitanes, *ieo-oc.org* mérite le détour. Ils ont même créé *emplec.com* le site dédié à l'emploi en occitan, comment trouver du travail grâce à sa langue ! et pas seulement. On n'est jamais assez nombreux pour aider ceux qui cherchent du travail. Les habitués d'internet connaissent Wikipédia, ils peuvent le consulter en oc (acuelh). Un groupe : *totenòc.org* s'organise pour adapter en oc les logiciels informatiques, ils ont déjà bien avancé. Il y a finalement aujourd'hui beaucoup de possibilités pour lire et s'instruire dans notre langue sur internet.

Pour se rapprocher de chez nous, une autre adresse *marraire.com* celle de nos voisins de la Haute-Loire, ils parlent même du Vivarais.

Mais je voudrais vous présenter un peu mieux *bartavel.com* car ce site nous apporte vraiment des informations locales, très proches, c'est un site qui se définit comme dédié à l'occitan de la région d'Annonay. Vous y trouverez toutes les explications pour écrire et lire la langue (Dicòc) e même un lexique parlant : vous voyez le mot et vous pouvez l'écouter (Auvir). Et vous trouverez même un mot comme *revessin* dans ce lexique ! Des textes aussi, parfois lus par leurs auteurs, cela fait plaisir d'entendre la langue d'ici.